



Arubaanse Courant

ANJA 25.

DIABIERNE 6 MAART 1964

No. 4981.

Rey Pablo di Grecia luchando cu morto

ATHENA, 6 maart Awe mainta un bulletin medico a ser saca na Athena, den cua ta ser bisa cu estado di salu di Rey Pablo di Grecia no a cambia. Den e bulletin saca prome cu e sun menciona a ser bisa cu e estado di salu dje rey a bai hopi atras.

Den e kapel real dje castillo den cunucu na Tatol e pastoor particular dje rey, Archimandriet Geronimos Kotsoris, a reza specialmente pe rey. Ayer nochi nan a reza tambe den tur misa griego pa salu dje rey Pablo.

Gobierno griego ya ta tumando medidanan pa sucesion dje reciente principe heredero Constantine, segur un bosero di gobierno a participa. Circulonan oficial ta mira e bulletin medico corticu dje docternan cu ta trata rey Pablo como un indicacion cu nan no por yuda mas. Tur acontecimentunan publico den e pais, manera e fiesta anual di carnaval na Patras cu meste a tuma luga diadomingo awor a keda cancela.

Rey Pablo tin solamente algun ora di bida. E no ta reconose ningun hende mas. Den oranan di mainta cu dificultad e por

a sigui e orasionnan cu e primado di Grecia tabata reza den e cuarto rond di su cama. Manera anuncia e rey di 62 aña sinan pasa a worde opera na un herida di stoma. Despues tabatin complicacionnan door di un embolio den pulmon y trombosis den un pia. E rey ta actualmente na su palacio na 15 km pafo di Athena.

FATUM Tel. 1845
pa tur bo aseguronan



Sr. Felix Luidens a ricibi beca di C.O.

ORANJESTAD, 6 maart.- Ultimamente senyor Felix Luidens kende ta traha actualmente na e clinica di dentista di dr. G.A. Oduer, a ricibi e noticia for di "Organisacion di Caribe" cu el a worde escohi como un di e hobennan Antillano cu lo hanja un beca di estudio for di e organisacion. Anja pasa e hoben Ito Tromp tabata e promer Antillano cu a hanja un beca for di e organisacion menciona. E beca di senyor Luidens tambe lo ta pa "Administracion Publico". E studio ta dura en total cuatro anja y por worde completa cu beca di e organisacion menciona.

Esaki por worde tuma na un di e universidadnan di Puerto Rico Tal beca ta worde duna cada biaha pa un anja y si e concursante pasa e promer anja bon e ta hanja uno pa di dos etc., te ora e caba e estudio.

Felix Luidens na anja 1956 a termina Vocational School di Lago despues di cual el a traha dos anja den laboratorium na e compania. Na anja 1959 el a termina un curso di un anja na Merca, cual tabata "Dental Technician".

Y desde anja 1959 cu el a holbe for di Merca e ta trahando den clinica di dentista Oduer, actualmente deputado. For di e tempo ey cu el a bolbe Aruba e ta siguyendo cursonan di anochi na Aruba Commercial School na San Nicolas, caminda el a obtene entre otro su diploma di Junior Accounting. Ki tempo y na



unda senyor Luidens lo sigui e curso di Administracion Publico no ta conoci ainda. Senyor Luidens, un hoben energetico ta sumamente contento di por a worde escohi pa hanja tal beca.

Exitoso premiere di Billy Daniels

PALM BEACH, 6 Maart, - Den Klompen Klub yen te na ultimo lugar Diarazon anochi den Aruba Caribbean Hotel-Casino. E promer presentacion di e cantante Mericano Billy Daniels. E cantante aki cu den ultimo tempo ta worde conta como un di e cantantenan di nias popular na Las Vegas tabatin gran exito especialmente serca e publico consistiendo mayoria parti di turistanan Mericano. Un tras di otro e tabata presenta su cancionnan, durante di cual e tabatin acompaña por su pianista Benny Payne y e orkesta di George Fasola. Entre otro Billy Daniels a canta "Hey Little Girl", un cantica den cual e damanan casa ta worde conseha, pa apesar cu nan ta anjanan largo casa, sin embargo keda drecha nan mes semper hunta, pa ora cu e batalla pa e esposo cuminsa nan no resulta e perdedor.

E pianista Benny Payne a cosecha enorme exito cu dos blues cu el a canta y tambe cu su acompaña durante e cantamento di Billy Daniels ta sumamente sentimental den estilo blues. Especialmente esun promer cu delaster cantica cu el a canta titula "Mam", a causa hopi presentenan pa busca nan lenso y seca wowo. E ultimo numero di Billy Daniels Diarazon anochi tabata "That old black magic" E numero aki cu cual den ultimo tempo el a cosecha enorme exito aduna un resultado enorme den Klompen Klub Diarazon anochi. Minutnan largo a resona un enorme aplausa como muestra di aprechio pa e fantastico premiere di e cantante Mericano aki na Aruba.

G.A. Edgar huesped di Lions na Aruba

ORANJESTAD, 6 Maart, - Durante un reunion di Aruba Lions Club Diarazon anochi ultimo den Trocadero tabata presente como huesped senyor Guy A. Edgar kende durante trinta y cinco anja consecutivo a traha na e oficina mayor di Lions International na Chicago.

Senyor Edgar a tene un lectura chiquito den cual el a conta di su trabao como asistente di Melvin Jones durante trinta y un anja. Senyor Melvin Jones ta esun cu na anja 1917 a funda Lions Clubnan. El a expresa como su deseo di mira representaantenan di Aruba Lions na e convencion di Lions International, cual lo cuminsa dia nuebe di Juli venidero na Toronto, Canada.

Smaldeel V pa Antillas

ORANJESTAD, 6 Maart, - Segun un noticia publica ultimamente den Beurs en Nieuwsberichten Smaldeel V di Marina Hulandes lo bin Antillas na e luna aki y ta worde spera dia 28 di Maart den haaf di Corsow. Dia 28 lo yega e cazatorpedonan Amsterdam, Friesland y Drente. Poco despues di e yegada di e bapornan aki lo sali for di Hulanda e portaviones Karel Doorman. Probablemente ariba dia promer di April lo e sali for di Hulanda.

Torneo di domino na Jamanota Club

SANTA CRUZ, 6 Maart, - Dia diez cinco di Maart venidero pa dos'or y mei di atardilo tuma lugar den Jamanota Club na Santa Cruz cuminsamento di e di seis torneo di domino cual ta worde organisa pa e club aki. E torneo

Diadomingo ultimo un grupo di cincuenta y cuatro concursante di type-cursus "St Gerardus" a haci un tour over di e isla cu nan lider señor Jan Lobrecht. E grupo a bishita diferente sitionan di nos isla, manera cuebanan etc. Aki nos ta mira e grupo para hunto dilanti di e bus cu cual ta a haci e tour na Casibari.

ta valido pa Juliana Beker. Na e torneo cu ta cuminsa dia diez cinco venidero lo participa en total diez seis team. Esakinan ta Golden Rock, Jamanota, Hollandia, Paradera, Amistad, RCA, Estrella, Bonaire, French, NWIWA, Trappers, Brazil Terrors, Union Luchador, Central Boys, La Esperanza y Dominique. E promer wegá di e torneo lo worde gechobbel door di Reina di deporte srta Doris Habibe. Tur e wegá di e torneo lo tuma lugar den Jamanota Club.

Corant di 4 liber

Tin biaha nos ta pensa cu oranan tin un courant di ocho pagina den nos man, manera Arubaanse Courant, nos tin un courant bastadiki, pero ultimamente nos a descubri cu nos ta leuw di recordnan di corantnan na Merca. E edicion di dia promer di December 1963, di un edicion cu ta sau Diadomingo di un corant Mericano Su-Times, tabata pisa nada menos cu tres liber Mericano. E tabata consisti di diezcuatro diferente seccion, tur hunto 426 pagina diki. Y ainda esey no tabata e record mundial!



SABOR CU NUNCA TA VARIA
IT NEVER VARIES.

Amical a yuda mas cu 50 famia na 1963

ORANJESTAD, 6 maart.- Dia 14 di december 1962 Frerenan a celebra nan jubileo di 25 anja na Aruba. Na principio di december, sr. Ernesto Rosenstand a tuma contacto cu Frere Director. E ex-alumnos kier a ofrece un regalo na Frerenan. Frere Directeur no a sinti mucho pa un regalo na placa of di un of otro cos. "E mehor regalo cu boso por ofrece nos ta un organizacion di ex-alumnos, un grupo di amigos, cu kier duna Frerenan un man den nan trabao social aki na Aruba. Y asina un promer grupo di ex-alumnos a bini hunto na "Oude Molen" ariba december 9, 1962

Segun su Statuto aprobá, e obheto di e organizacion ta:

- (a) Organiza eventonan cultural y social dentro di e sistema di e organizacion;
- (b) Contribui na educacion y desaroyo di juventud na Aruba, door di usa tal medionan cu ta hustificá pa asina permiti e juventud aki pa goza di un educacion y desaroyo mas bon posible, basá ariba E-vangelio y cumpliendo cu e repitida yamada di Pa-

Aunque e obheto ta masha amplio, AMICAL ainda no por move ariba tur terreno y duna yudanza den tur sentido. Excepto pa casonan special, ayudo a-wor a tuma lugar door di entrega un vale pa panja y sapato y den algun caso door di haci un arreglo pa entregamento di pan cada bez pa un periodo di tres luna na muchanan cu ta bai school y ta bini di familianan den necesidad.

E directiva di AMICAL ta consisti di:
 Presidente - C. Croes, Ilugo de Grootstr. 1, Oranjestad.
 Vice Presidente - F. Groeneveldt, Pastoor Hendrikstr. 108, San Nicolas
 Secretario - E. de Cuba, Newtonstr. 7, Oranjestad.
 Tesorero - R. Jong, Hospitaalstr. 1, Oranjestad - Tel. 5091.
 Comisario - Frere Norbertus, Huize "De La Salle" - Oranjestad.

E comisionnan encargá cu ayudo ta:
COMITE CENTRAL DI AYUDO
 Frere Norbertus,
 C. Croes,
 A. Werleman, Kas Ariba 25.

SUB-COMISIONNAN DI DISTRICTO
 Oranjestad - C. Croes,
 Noord - S. Frank, Ponton 113a,
 Paradera - O. Beckhoudt, Fergusonstr. 40,
 Santa Cruz - A. Werleman,
 Savaneta - H. Malmberg, Gen. Maj. de Bruinewijk 21,
 Brasil - F. Wernet, Palslaweg 62,
 San Nicolas - F. Groeneveldt.
COMISION FINANCIERO
 H. Malmberg,
 P. Berkley, De La Sallestr. 1,
 R. De Jong.
COMISION DI PUBLICIDAD
 F. Wernet,
 E. de Cuba.
COMISION PA STATUTO
 Florencio Wernet (Holanda)
 Frere Norbertus,
 A. Werleman.

Procedimento pa Duna Yudanza

E casonan pa yudanza ta worde tratá door di e Comision Central di Ayudo y Sub-Comisionnan di Districto. E casonan aki ta worde investigá na un manera hustificá. Pa e casonan cu ser aprobá, un vale ta worde entregá door di e Comision di Districto, cu cual por busca e articulonnan.

Mester worde notá cu AMICAL lo yuda tur familia den necesidad, dentro di posibilidad di su financia y sin distincion di raza, religion of politiek. Tur casonan ta

ser tení strictamente secreto.

Diadomingo 26 di januari 1964, AMICAL a tene supromer reunion anual. Pa motibo di baimento di Dokter Leo, un presidente nobo mester a ser eligi. Sr. C. Croes a keda eligi como e presidente nobo.

Directiva a duna un opinion cla tocante e banda practico di e actividadnan di e organizacion AMICAL: E kler yuda cu panja sapata y tambe cu cuminda den forma di entregamento di pangratias cada bes pa tres luna den casonan cu muchanan di school ta involvi pa kende lo ta difcil of en total imposible pa bai school sin e yudanza aki. Ademas, a worde bisá claramente cu religion, raza of politiek no tin nada di haci den e asunto aki.

Tocante e rapport di actividadnan, mester worde remarcá cu un yudanza basta amplio por a worde duná e anja aki, pasobra den dos Store e florin di AMICAL casta tabatin e valor di dos florin.

Rapport Anual di 1963

Aki bao ta sigui e rapport di actividadnan den 1963 di e Comision Central di Ayudo y e Rapport Financiero di Tesorero:

Entrada	
Fondo di Asistencia La Salle (di Personal di Schoolnan Catolicos)	f. 1450,90
Donacion Anonymo	1000,--
" "	200,--
" "	50,--
Futura N.V.	750,--
Donacion Anonymo	27,--
" "	1,--
" "	1,--
" "	20,--
Contribucionnan	261,--
f. 3760,90	

Durante dianandí Pascu, il pake-te di cuminda a ser repartí. E ayudo aki riba ta cubri principalmente e ultimo seis luna di 1963. Ariba dec. 31, 1963, ainda tabatin mas cu 30 casopendiente.

Senor Habib N.S. Habibe
Oranjestad Aruba
Telefon 1075
Actualmente ta duna hipotek pa cualkier suma, pagando solamente interes mensualmente pagando capital durante tres anja

Salida

Ayudo na Familianan:

Oranjestad	f. 780.90
Noord	487.50
Paradera	161.--
Santa Cruz	1 13.--
Savaneta	47.25
San Nicolas	656.75
Pakete di Cuminda-dec. 1963	259.10
Ayudo na Schoolnan	55.40
f. 3760.90	

AMICAL tin un cuenta na tur banconan local.

Union pa empleadonan di plantanan quimico

SAN NICOLAS, 6 Maart, - Diadomingo venidero e directiva di Independent Oil Workers Union of Aruba lo tene un reunion informativo pa e trahadornan di Aruba Chemical Industries y Antilles Chemical Company na Barcadera. E intencion di e directiva di IOWUA, e union di trahadornan di Lago, ta pa duna un splicacion na e trahadornan y pa alavez mira si esakinan tin interes pa tal Union. Probablemente na-bez cu trahadornan ey muestra interes pa tal Union, nan lo forma miembro di IOWUA cu e ora lo cambia cierto puntonan den statuto. E reunion menciona lo tuma lugar diez or y mei di mainta den Commandeursbaai Club na Savaneta.

Bishita di delegacion Portorikenjo na Aruba

ORANJESTAD, 6 Maart, - Awe mainta nuel'or y mel ayega Aruba cu avion di Trans Caribbean Airways for di Puerto Rico un delegacion di industrialistanan y bankeronan Puerto Rikenjo kendenan lo haci un bishita di dos dia na nos isla. Durante e bishita aki e delegacion lo tin diferente deliberacionan cu instancianan ariba tereno di comercio, industria y bancario na nos isla. Tambe nan lo haci un bishita na e plantanan quimica di Barcadera Diabzabra mainta. Diadomingo mainta nuel'or y mel e delegacion ta regresa Puerto Rico atrobe.

E conflicto entre Somalia y Etiopia

MOGADISCIO, 6 maart - Somalia ta dispuesto pa delibera directo tocante un arreglo pacifico dje kestion fronteriso, segun e subminister di asuntunan exterior di Somalia, Mohammed Ali, a participa ayeranochi na un conferencia di prensa. El a muestra sin embargo riba proposicion di Etiopia cu solamente nan lo papia dje frontera den sur. El a bisa cu su gobierno ta lamenta, cu Ethiopia a haci e excepcion aki, prome cu e dos gobiernonan a trata di bira di acuerdo tocante un base pa deliberasionnan. Gobierno di Somalia ta mira den proposicion Ethiopes un intento intencional, pa blokea e deliberasionnan di antemano.

A caba di jega for di Madeira

PRECIOSO

MACUTO DI CABANA

tur typo y tamanjo, tambe macutu pa pic nic, HAMPERS y set di stoel pa patio, baki pa co-rant y boeki etc.

Bin weita nan, sigur lo bo keda encantá di nan.

ACME STORE

San Nicolas Tel. 5381



TA BENDE

Pa motibo di viahe
 1 auto marca
 „TAUNUS„ 12m
 1 nevera
 „HOTPOINT„
 1 stoof „TAPPAN„
 1 radio-pickup
 „GRUNDIG„
 1 cama cu colchon
 pa 2 pers.
 y varios articulos
 mas pa cas.

Acudi na: Balashi II.

CURSUS SUCCES

Atencion Señores!

Pronto di dos curso
 pa OPLEIDING
 ASPIRANT AGENT
 VAN POLITIE lo cu-minza.

Interesadonan por inscribi for di awe caba na CURSUS SUCCES, Nieuwstraat 6, tel. 1534

Arubaanse Vereniging voor Handel en Industrie.

Aanvang van de nieuwe cursus

BOEKHOUDEN I

op dinsdag 10 maart a.s. om 19.00 uur en van de nieuwe cursus

BOEKHOUDEN II

op woensdag 11 maart a.s. om 18.30 uur beide in lokaal 32 van het Dominicuscollege

Inlichtingen:
 C.v.d.Koppel, J.G.
 Emanstraat 79,
 tel. 2496

Reunion general di Aruba Jrs

Pa diadomingo dia 15 di maart 1964, directiva di Aruba Jrs a yama e reunion general anual. E reunion lo worde teni den e clubhuis di Aruba Jrs cuminzando pa 10' or di mainta.

Manera custumbra den un reunion general anual, lo tin durante e reunion eleccion di un directiva nobo. E miembronan di e actual directiva presidi door di Urlo van Breet, ta re-eligibe.

Cu apoyo di 10 miembro di club, por worde entrega number di candidatonan pa directiva no nias tarda cu dia 12 di maart cerca e secretario.

E ultimo creacion de

LINGERIE



- * sombra mitar y completo
- * panties
- * brassiere
- * corset
- * Baby-dolls
- * Pyama, japon etc.

bo ta hanja di menor calidad, den tur prijs y tur tamanjo na

LA LINDA

Servicio rapido y prijs razonable!

Pa furamento di sientu di bo auto, tambe dak portanan.



RUIZ UPHOLSTERY

koningstr. 4 - tel. 2257

ENJOY TELEVISION AT ITS BEST

SIERA



CASA ELECTRONICA

NOBO NOBO NOBO

Nassaaustraat 34.

Nos a caba di ricibi tela nobo pa e dianan di Pasco Grandi venidero. Tela borda for di Suiza cu disenjos y color nobo specialmente pa bistir di shift. Algo nobo Cotton Shantique, cu disenjos fantastico. Serca nos semper ta mas baratal



Bo a yega di pone atencion ariba cara di hendenan cu ta haciendo algo concetra. Esaki por ta algo divertido. E ta worde ilustra ma-sa claro mes door di e serie di portretnan

aki riba di un fotografo di prensa Mericano, John Polis mientras cu e ta sacando un portret durante un reunion.

Spion Aleman condena

SPION ALEMAN CONDENA
 COLONIA, 6 maart E ex periodista di economia di 60 años dr. Walter Girthn, a worde condena na Colonia oa 15 luna den prison door di a mantene entre 1955 y 1961 relacionnan traidor cu e servicio di spionaje di Alemania Oriental.
 Dr. Girthn cu a keda aresta na mei di 1961, a bisa di ta corresponsal dje agencia di prensa di Alemania Oriental na Bonn. Pero e oficina di prensa menciona a desmenti cu tin un corresponsal llama Girthn na Alemania Occidental.
 E fiscal a insinua cu durante e tempu ey dr. Girthn tabatin relacion masja intimo cu dos otro periodista na Bonn, cu un dia prome a keda aresta tambe riba acusacion di a comete traicion.

Terror ta sigui na Chipre

NICOSIA, 6 maart - Por lo menos 4 chypriota turco a keda herida na un explosion den un oficina na Nicosia. Ne prome piso dje edificio, djis riba e luga caminda e explosion a tuma luga tin e oficina dje lider turco chypriota Rauf Denkash, cu a asisti e reunion dje consejo di seguridad tocante kestion Cyprus.

E minister chypriota interino di asuntunan exterior Arazouzos, mayan lo sali pa un bishita di amistad na Rusia. Un bosero dje gobierno a agrega, cu e bishita lo dura varios dia.

Un bosero militar britanico a participa cu tabatin un tiroteo den cercania di Kyrenia, na Sur Chipre, den e pueblo Kazaphani, caminda un polis griego chypriota a keda seriamente herida y un chypriota turco a keda levemente herida. Militarnan inmediatamente a sali pa Kazaphanu, caminda nan a restablece orden atrobe, segun e bosero. Tambe tabatin tiroteo den e pueblo turco Templos situa cerca di Kyrenia.

Inverticionnan pa Sur America

NEW YORK, 6 maart - President di Grace and Company a insisti cerca gobierno mericano pa admiti inmediatamente un credito di belasting di 30 % pa stimula invertisionnan mericano na Latino America. E proposicion aki a keda acepta den un plan pa aumenta invertisionnan mericano na Latino America, cu el a tresa dilanti den un discurso pa Economic Club na New York. Tambe el a propone di tuma lantamentu di un mercado comun pa hemisferio occidental, den considerasion. E mercado comun meste wordu lanta cu limitacionnan di comercio y consecionnan comercial pa productonan di industria y mineralnan foi LATINO America cu Merca ta admiti cu poco poco ta rebaha.

Situacion na Maleisia

BANGKOK, 6 maart - E deliberacionnan tocante e kestion pa Maleisia a worde continua den capital Thailandes.

E minister thailandes di asuntunan Thanat Choman, a logra convence e vice premier di Maleisia Toenkoe Abdoel Razak, di continua e deliberacionnan cu minister indones di defensa, dr. Soebandrio, Salvador Lopez cu prome a worde kibra. Di fuente di Filipina nan a participa cu nan lo trata di hanja cu compromis aceptable pa ritiro poco poco di forzanan indones di guerra, cu cua un areglo politico dje di Maleisia lo sigui e pasonan.

Delegacion Ruso a jega Francia

PARIS, 6 maart. - Nicolas Podgorny, cu tin sesion den e presidio di Soviet supremo, y a llega

Francia cu un delegacion parlamentario, ta psera cu den futuro un acuerdo comercial entre Francia y Rusia lo por worde realisa.

Den un reunion organisa pa emba-hada Ruso Podgorny a bisa, cu ora relacionnan, economico y cultural crece, no tin baricadanan pa un tal desarollo di relacionnan politico entre ambos pais.

Podgorny, a invita e president dje asamblea nacional Frances Chaban Delmas, pa haci Rusia un bishita cu un delegacion parlamentario.




PUCK-A-LUCK--Larry Cahan, 5, di New York y Ron Murphy di Chicago Black Hawks camisa blancu, ta preocupa pa otro compañeronan manera Jacques Plante di Ranger Goalie, 1, y compañero di equipo Andy Bathgate, 9, ta trata di cohe e bala na Madison Square Garden.

CU UN
PERCOLATOR
 ELECTRICO.....



KOFFIE SABROSO
DEN UN INSTANTE!



E dianan aki ta yen di anuncio di compromisonan real. Prinses Anne Marie di Denemarken (top, robes) lo converti pa religion griego ortodoxo pa casa cu Kroonprins Constantine di Grecia. Y na Japon, Prins Yoshi, 28, (abao, segundo ylu di emperador Hirohito, lo casa cu Hanako Tsugaru, 23, probablemente despues di weganan Olimpico na October awor.

Admirador anonimo di prinses Beatrix

AMSTERDAM, 6 maart - Un homber cu anonimo a manda flornan di cientos di florin pa prinsesa Beatrix acompaña di un carta firma cu "The Pirate" (El Pirata) a resulta di ta un hoben comerciante di 38 años di Frankfort cu a biba 12 años na Merca.


Algemeen Handelsblad a publica e resumen di un entrevista telefonico cu e admirador dje prinsesa cu ta ser llama "S", y cu ta haci comercio den "Bienes Sitios". Den e comercio aki ta keda salida dje historia.

"S" a lesa den un revista aleman cu prinsesa Beatrix tabata hanja dificultad na cumpramentu di un pida terra cerca di su

castillo Drakesteyn, y a dici di tuma e diferencia di prijs pa su cuenta sin di ningun interes propio y kedando anonimo. Pero ora cu el a bishita dje dje terra el a tende cu no tabata existi ningun diferencia tocante prijs. Door cu toch klier a haci algu, mi a dici di manda flor, segun "S". Ela bisa tambe cu e ta su y ta stima hende di distancia.

Huelga na Ceylon

COLOMBO, 6 maart - Gobierno ceylonés a proclama situacion di emergencia despues cu hente e provision di coriente a worde interumpi pa un huelga dje personal tecnico. Gobierno a rechaza e exigencia pa duna un aumento di riesgo.




BN

Asina un disenyador Ingles ta imagina su mes e punto di salida pa e Hoovercraft servicio entre Inglaterra y Francia. E Hoovercraft riba e portret ta e typo cu ta worde construi pa "Westland Aircraft Ltd." E aparato tin un largura di 36 pa 40 meter y por alcanza un velocidad di 45-50 milla pa ora.



Esaki ta un skina di e residencia di Don Carlos, e comprometido di prinses Irene, na Madrid. Ariba di e chiminea tin un portret di Don Carlos VII undi e atecedentenan di Don Carlos cu tabata e prome Carlista.



Camarenan ta klik rapidamente na momentonan cu Jack Ruby ta presenta den sala di corte na Dallas completamente rondon pa su protectornan.

Extra - Extra - Extra

SPECIAL PA LUNA DI MAART!!!

MODELO 1964 QUICKLY T
-NSU- (f. 467.50)

MODELO 1964 QUICKLY
S 2/23 (f. 340.--)

- * 2 Hp.
- * 3 speed
- * 50 cc.



Mas ventaha di:

Seis luna servicio gratis -

Unica lugar cu ta drecha bramfiets -

Unico cu ta tene gran surtido di parts

E OFERTA AKI TA VALIDO PA LUNA DI MAART SOLAMENTE.

ARUBA HARDWARE C.V.
(Brenchi)

tel. 1057

tel. 1057

Re-apertura di

SELMA'S BEAUTY SALON

SEÑORITA LITA RAMPHALL cu 3 aña di estudio y 4 aña practico na Hulanda y Alemania, awor ta encarga, ta invita cordialmente, pa duna bo e mehor servicio.

Nassastraat 109

Oranjestad

tel. 2343



MERCA KIER REDUCI TARIFANAN DI ADUANA

Paris, -- UPI -- Ministro di Industria Michel Maurice Bokanowski a preveni na industrialnan di Francia y socionan di mercado comen pa nan no laga Merca arrastra nan den e yamada "conferencias Kennedy" encuan to reduccion di tarifanan di doana. Papian to den un banquete di e exportadornan industrial Bokanowski ta bisa cu nan mester studia e conferencianan Kennedy cu mas cuidao. Refiriendo na e plan di reduccion cu un 50 porciento e ta bisa cu e tarifanan mericano ta esnan di mas haltu di mundu.

Helen Kostis ta un bailarina poco conoci cu actualmente ta actua den un nightclub na Las Vegas. E portret alegre aki ta pa motibu cu awor Helen ta sinti su mes muchu mas mehor den e clima agradable di Merca en comparasion cu e clima friu di Londen.

Sentencia pa James Hoffa

CHATTANOOGA, 6 maart - James Hoffa, e president dje sindicato mericano di chauffeurnan di truck, ayera a worde acusa pa e corte di justicia di Chattanooga, di a trata pa influencia un jurado durante dos biah. Nan no a hanjele culpabel di e di tres violacion dje mesun typo aki pacual nan acusele. Hoffapor hanja pe hechonan aki un straf combina di por lo menos 10 aña y un boet di 10 mil dollar.

Dos otro acusado por hanja pa mas tantu cinco aña den prison y un boet di 500 dollar. Tresnan cu contra pago di un suma di garantia a keda den libertad, lo haci un apelacion. Hoffa en 1962 a trata di influencia un miembro di un jurado, cu a ser forma na Nashville den estado Tennessee, pa trata un keho cu a ser entrega contra dje. Esaki tabata trata di aceptacion di soborno di un contratista. Hoffa, Parks y Campbell a ofrece un di un miembro di jurado un suma di 10.000 como soborno.

Durante e mesun reunion aki tambe Lionsnan Oscar Marugg y Presidente Erwin Oehlers a duna resultado di nan biahapa Barquiseмето, for di cual a resulta cu probablemente senyor Oscar Marugg lo ta e unico candidato pa eleccion di gobernador di Lions den distrito E-1.

Dia diez ocho di Maart vendero e candidatonan pa un directiva nobo di Lions lo worde proponi.

Sesenta mil presu politico na Cuba

LONDEN, 6 maart - Cuba tin mas o menos 60.000 presu politico cu ta biba bow di circunstancianan, cu ta mes malu cu e camponan di concentracion, cu nazinan tabatin, segun un miembro conservativo di hogehuis britanico, Lord Colyton, a bisa.

El a hanja e informacionan aki foi un fuente cubano fidedigno. El a insisti den hogehuis cerca gobierno britanico, di eherse presion internacional riba gobierno cubano.

Lord Dundee, cu a contesta den number di gobierno a bisa: "nos ta condena maltrato di presun na unda cu sea. Pero nos derecho pa intervencion ta limita te actuacion den favor di subte actuacion den favor di --



subitonan britanico. E miembro labourista Hendersson di oposicion a bisa, cu nan lo meste hiba e kestion dilanti cerca Nacionnan Uni.

Lord Dundee a contesta, cu e lo tuma e sugestion aki den consideracion.

Castro ta elogia De Gaulle

HAVANA, 6 maart - Prome minister Castro di Cuba, a tene un discurso di elogio pa president De Gaulle. El a haci esaki na un recepcion ne embahada di Marokko na Havana. E lider cubano ta elogia principalmente e lucha dje mandatario frances pa independensia enbista di merca.

El a bisa cu su gobierno no a invita president De Gaulle pa un bishita durante esaki su vendero viahe pa Latino America. Pero e general sa cu e ta bienveni si e dicidi pa llega te na Cuba, segun Fidei Castro.

Proceso Ruby ta continua

DALLAS TEXAS, 6 maart - Despues di un lucha amarga entre fiscal y defensa, cu a dura dos siman, na forma na Dallas den estado mericano Texas un jurado cu ta consisti di ocho

homer y 4 muher. Alfin e proceso contra e donjo di club nocturno Jack Ruby, cu ta acusa di a asesina intensionalmente Lee Oswald, e probable asesino di president Kennedy, por cumenza. - Ruby, a tira Oswald mata ora cu esaki a sali dje oficina central di polis na Dallas pa worde hiba pa prison. Ruby a declara na cuminzamentu dje sesion di no ta hanja cu e ta culpabel. Su defensor di mas importante Belli a declara cu Ruby no ta hanja su mes culpabel di a comete e hecho den un estado di desequilibrio mental.

E proceso a cumenza despues cu juez Brown a restabiese atrobe a stipula un cantidad di contrariedad cu defensa a trese dilanti como infunda.

CONSPIRACION NA VENEZUELA

CARACAS, 6 maart - Polis na Venezuela a aresta seis persona cu kier comete otro siman diamars ora cu president Betancourt entrega gobierno na su sucesor, un serie di atentadonan. Segun polis nan tabata pa comete atentadonan entre otro riba varios instalacion petrolera na Bachaquero den estado Zulia y ne cuartel general di polis y e cuartel general militar na Bachaquero.

Un proteccion adecuado e tirenan bieuw di truck aki ta forma pa un tereno di un habitante di Varna na Bulgaria, caminda e portret aki a worde saca.

Huelga di haf na New York a termina

NEW YORK, 6 maart - E tripulacion di remoiadornan den haf di New York cu 33 dia pasa a cumenza un huelga pa apoya nan exigencianan di sueldo, lo continua cu nan trabow. Tres mil nabegante ayera a dicidi na un reunion di acepta proposicionnan di nan compania cu votonan en general.

Damas cu puesto altu na Merca

WASHINGTON, 6 maart - President Johnson a duna 10 muher puestonan altu den gobierno. Entre e 10 muhernan aki tin señora Virginia Mai Brown, cu a worde nombra e prome muher di miembro dje comision di relacionnan comercial entre estadonan y señora Katherine White cu a ser nombra embahadora. E pais, caminda e lo satisface e interesnan mericano lo worde nombra despues. Ayeranochi - president Johnson a anuncia e nombramentu aki na comementu dje club nacional di prensa pa muhernan.

Controversia na Alemania West

BONN, 6 maart - Cansiller federal di Alemania occidental Erhard a logra den un reunion di gabinete cu a dura tres ora, di gana cinco minister liberal, pe punto di hasta dje demoraatnan christian, tocante e aumento en kestion di kinderbijslag.

Den parlamento e liberalnan a bandona nan companeronan di coalision dje union di christiannan demoraat y a uni cu e punto di bista dje demoraatnan socialista. Gabinete sin embargo a dicidi di atene su punto di bista, cu aumento di kinderbijslag lo drenta den ehecutcion foi prome di januari dje anja aki, pero cu cahero di estado te prome di juli lo tuma gastunan di esaki pa su cuenta.

Spanya lo entrega bapornan na Cuba

MADRID, 5 Maart, - Aunque cu Merca ta contra, tog Spanya lo construi bapornan pa Cuba, asina ta worde informa di fuente fidedigno.

Spanya y Cuba a firma na fin di Februari un acuerdo na cual Spanya ta obliga su mes na entrega nuebe bapor di carga di 10.000 te 15.000 ton, dos iancha y un gran cantidad di botonan di piscado na Cuba. Tur esquinan na un balor total di 50 million dollar.

Segun un acuerdo cu a worde firma na November di anyapasa Cuba lo entrega Spanya sucu y tabaco.

Den circulon diplomatico na ta di opinion, cu e decision Spanya pa entrega bapornan na Cuba (loque no a worde participa oficialmente) lo por nifica, cu Merca finalmente a conforma cu un continuacion di e relacionnan comercial entre Spanya y Cuba.

Parce cu no ta imposibel cu Spanya a laga establecimentu di e base di submarinonan na Rota depende di continuacion di su relacionnan comercial cu Cuba.

Minister Ruso pa Etiopia

ADDIS ABERA, 5 maart - E segundo minister Ruso di exterior, Jacob Malik ta yega Addis Ababa, capital di Etiopia awe, pa un bishita di tres dia, asina a worde informa di fuente bon na altura.

E segundo minister Ruso probablemente lo worde ricibi pa emperador Haile Selassie y ademas e lo hiba deliberacionnan cu miembronan di gobierno di Etiopia.

Na fin di januari Malik a bishita tambe Somalia y Soedan. E bishitanan aqul my probable ta relaciona cu e viaje cu e viaje cu e premier Chines, Tsjoen En Lai.

a haci na Afrika. Ademas circulon politico na Addis Ababa ta muestra, cu gobierno Ruso anja pasa a firma un acuerdo cu Somalia tocante entregacion di arma. En bista di e conflicto entre Etiopia y Somalia e yudanza Ruso na Somalia lo ta un punto importante di combersacion.

Pronto acuerdo entre Panama y Merca

WASHINGTON, 5 Maart, - Panama y Merca ta hopi cerca di un acuerdo tocante reanudacion di e relacionnan diplomatica, asina e president di e comision especial di intermediacion di e organizacion di estadonan Mericano, a bisa. Den circulon diplomatico a worde declara, cu e comision a haci un yamamentu riba Merca y Panama pa reanuda e relacionnan y cuminsa deliberacionnan tocante e acuerdonan di Canal di Panama, di acuerdo cu e recien declaracionnan di prensa di president Johnson y president Robert Chirari di Merca y Panama. E comision lo bolbe reuni pa sigui traha na e acuerdo.

Riba un pregunta si e acuerdo lo por worde alcanza dentro di 24 ora, e president di e comision di intermediacion a bisa "nos ta masha cerca di e punto di un acuerdo. Pero nos no a yega ainda."

Retiro di Cubano na Guantanamo

WASHINGTON, 6 maart - Marina mericano a retira mas cu mitar dje 1800 cubanonan cu ta traha na base mericano di flota, na Cuba "Guantanamo". Nan lo worde reemplaza pa mericanoan. Asina a ser informa foi circulon dje ministerio mericano di defensa. Di fuente mericano nan a rechaza ayera un oferta di prome minister Fidel Castro di Cuba, pa reanuda provision di awa dje base, cual a worde kita pa Cuba iuba pasa. Funcionaronan mericano, a bisa, cu ya nan a dicidi di kibra provision di awa di Cuba pe base Guantanamo.



Si un pais mas reconece China Comunista, esei lo suma e numero di 50 paisnan qu ta reconece e pais aki. Ademas di Francia e siguiente paisnan (pretu riba e mapa) ta reconece China comunista: Afghanistan, Albania, Algeria, Bulgaria, Burma, Burundi, Cambodia, Ceylon, Cuba, Checoslovaquia, Denemarken, Alemania Oriental, Finlandia, Ghana, Guinea, Hungria, Indonesia, Iraq, Israel, Kenya, Laos, Mali, Mongoli, Morocco, Nepal, Hulanda, Nigeria, Korea Norte, Vietnam, Noruega, Pakistan, Poland, Rumania, Sierra Leone, Somalia, Sudan, Zweden, Suisa, Syria, Tanganyika, Tunisia, Uganda, Rusia, Republica Arabe Unida, Inglaterra, Yemen, Yugoslavia y India.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.




BUCHI ROBEZ

pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY



Horoscopo personal

ARIES 21 maart-20 april

Bo ta den un periodo importante pa cuestion financiero cu otro y parce cu lo bo tin di gasta placa. Probablemente lo bo hanjabo den debe.

TAURUS 21 april-21 mei

No pasa mucho trabao pa otro awe, pero haci esfuerzonan bo mes. Tene bon cuidao awe loke bo ta camna papia di bo mes pa despues bo no corda malai.

gemini 22 mei-21 juni

Awe lo bo tin mester di sosiego y tambe un consenshi limpi. No cansa bo mes mucho cu asunto nan di trabao amigo of famia. Bo por mehora amistadnan cu a bai perdi.

CANCER 22 juni-23 juli

Tene hopi pasenshi awe cu otro nan, especialmente cu personanan kerí. Kizas dia por cuminsa no tanto agradabel pa bo pero esaki ta mehora mas den atardi. Awe ta dia cu bo por tin un conquista di importancia.

LEO 24 juli-23 agosto

Probablemente lo bo no tin un mucho bon dia awe door di algo menos agradabel den bo vida social, of door di un carta of noticia menos alegre. Pero no laga esaki ta di influencia pa bo. Percura pa bo ta caminda bo tin di ta y na tempo; no laga nada strobabo di haci bo deberrnan.

VIRGO 24 agosto-23 september

Percura especialmente awe pa cobra esnan cu debebo placa y pa nan pagabo tambe. Bon ideanan lo tin bon resultadonan awe. Probablemente lo bo serra conoci cu un persona importante.

LIBRA 24 sept.-23 oktober.

Awe e aspectonan ta muestra cu tin algo riscante en conexion cu siguridad di bo salud y intersnan di bo esposo of esposa. Trata di no haci nada cu por causa cu dushi di otro personanan cu kier bo malo. Libra coneccionnan cu no ta mucho sigur ariba tereno romantico. Bo personalidad ta hunga un gran rol awe ariba tereno di amistad.

SCORPIO 24 okt.-22 nov.

Dificultadnan di antes por bai resulta den enemistad awe. Libra e personan cu kier bo malo. Libra coneccionnan cu nota mucho sigur ariba tereno romantico. Bo personalidad ta hunga un gran rol awe ariba tereno di amistad.

SAGITARIUS 23 nov.-21 dec.

Awe ta un dia yen di tension ariba tereno di amor of di amistad. Muestra otronan awe con bon bo kier nan. Pero no duna placa pa articulonan luhoso. Awe amor ta bal mas cu placa.

CAPRICORNIUS 22 dec.-20 jan.

Awe dificultadnan ta bai yega na puntanan culminante cu por causabo masha hopi trohhel den bo vida social of ho hida di cas. Tene un bon contacto cu amigonan.

AQUARIUS 21 jan.-19 febr.-

No perde cabez awe door di desunion chiquito cu ho portincu bo famia. Comprendermente ta haci milagronan den e caso aki. Awe noch e aspectonan ta sumamente favorable pa deberticion y especialmente romance. Ariba e tereno aki bo por haci un conquista mas grandi cu bo ta kere.

PISCES 20 febr.-20 maart.

Tene bon cuidao awe cu dunamento di regalonan luhoso. Scucha conseho nan di otro, pero bo mes mester tuma desicionnan den cuestionnan cu ta trata di bo plannan, intencionnan y asunto nan di amor.